

潮陽縣誌

胡公木題



壇廟

社稷壇在縣北迤西龍首山之陽去城里許與南壇俱始於明洪武二年知縣姚復初奉詔創立者其制壇而不屋方廣二丈五尺封三尺四出之陞三級壇下前十二丈東西南各丈繚以周垣環以四門背南面北其壇正中處高二尺五寸石主高一尺二寸濶一尺歲祀以春秋二仲上戊日舉行屆期仍設木牌高二尺二寸博四寸五分厚九分跌高四寸五分厚如之博一書縣社之神居右一書縣稷之神居左獻官自北而南向祭之禮用三獻帛尚黑與羊豕各二

祝文 乾隆九年部頒

惟神奠安九土粒食萬邦分五色以表封圻育三農而蕃稼穡恭承守土肅展明禋時屆仲春敬修祀典庶丸丸松栢鞏磐石于無疆翼翼黍苗佐神倉于不匱尚饗

風雲雷雨山川之壇在南關內之左其制與北壇等惟面南向歲春秋仲月諏吉致祭壇上設神位三中為風雲雷雨左為山川右為城隍獻官北面致祭焉帛用七色尚白羊豕各三

祝文 乾隆九年部頒

惟神贊襄天澤福佑蒼黎佐靈化以流形生成永賴秉氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祗陳牲幣尚饗先農祠通禮作壇在太平門外演武亭之西雍正四年知縣魏燕超奉

旨創建歲以仲春亥日致祭祭畢守土官率屬行耕藉禮設藉田四畝九分歲種穀一十五石計梁盛穀四斗籽種穀一石實穀一十三石六斗變價作牲品之用自雍正十三年始嘉慶

四年知縣劉光暉重修

祝文 部頒

潮陽縣志

卷七 壇廟

惟神肇興稼穡粒我烝民頌思文之德克配彼天念率育之功常陳時夏茲當東作咸服先疇欽維九五之尊歲舉三推之典恭膺守土敢忘勞民謹奉儀章聿修祀事惟願五風十雨嘉祥恆沐於神麻庶幾九穗雙歧上瑞頻書於大有尚饗

厲壇在北關外望樓嶺下周圍五丈五尺封二尺四寸前出陞三級垣門向西明洪武初知縣姚復初創建每歲春用清明秋用中元冬用孟月之朔祭境內無主孤魂將祭前三日正官躬詣城隍發牒致告至期迎城隍之神為主而設無祀者冥位於東西兩序牲用羊豕各三解置於器羹飯以次鋪設祭餘則散邑中之無告者

告城隍文 部頒

欽奉

皇帝聖旨普天之下率土之上無不有人無不有鬼人鬼之道幽明雖殊其理則一今國家治民事神已有定例尙念冥冥之中無祀鬼神昔為生民未知何故而沒其間有遭兵刃而橫傷者有死於水火盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有為猛虎毒蟲所害者有饑寒交迫而死者有因戰鬪而殞身者有因危急而自縊者有因牆屋傾頹而壓死者有死後而無子孫者此等鬼神或終於前代或歿於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魂未散結為陰靈或倚草附木或為妖作怪悲號於星月之下呻吟於風雨之中凡遇人間令節魂杳杳以無歸章懸懸而望祭興言及此憐其慘淒故救天下有司依期致祭命本處城隍以主此祭鎮按壇場鑒察諸鬼神等類其中有為良善誤遭刑禍死於無辜者神當達於所司使之還生中國永享太平之福如有素為兇頑身逃刑憲雖獲善終亦出僥倖神當達於所司屏諸四夷善惡昭報神必無私除欽奉外合就牒移城隍獄神弔出獄幽以享祭典久遠遵行

謹案會典 社稷壇為大祀 神祇壇 先農壇為中祀 厲壇為羣祀

文昌廟明萬歷三十三年知縣王訓創建高閣壯偉為縣署儒學之障上塑梓潼帝君像春秋二仲致祭下為諸生會課之所有祠租贍士科舉旁列號舍三重計二十間後因颶風閣毀 神像移祀鄉賢祠

國朝康熙間知縣張宏美謀建

是時閭人不戒於火

因亂中止三十年知縣臧憲祖就舊址鼎建乾隆二十二年重建中樓一

座 邑紳林振聲林丹桂蕭玉電黃國寶林大夏諸生

六十年知縣伍禮彬重建後堂一座三山一座

邑紳蕭重光鄭高華鄭廷洽林喬陳肇科鄭英儀諸生趙煥新

趙天章鄭廷楨鄭國瑛姚學偉勸題

同治十年總兵方耀知縣樊希元率紳士捐修邑紳王大勳黃庭經鄭錦城姚弼賢蕭蓋卿諸生史掌文鄭耀奎鄭玉田蕭樹人林庭芝經理其事

祝文 嘉慶七年部頒

惟 神蹟著西垣樞環北極六匡麗曜協昌運之光華累代垂靈爲人文之主宰扶正久彰夫感召馨香宜致其尊崇茲屆仲秋用昭時祀尙其歆格鑒此精虔尙饗

後殿祝文

祭引先河之義禮崇反本之思矧夫世德彌光延賞斯及祥鍾累代炯列宿之精靈化被千秋綿人文之主宰是尊後殿用答前庥茲值仲春肅將時事明伸告潔神其格歆尙饗

附載祠租

舖一百零五間除撥入本學外計存八十八間一在學門牆西自古解元坊起至縣前止一在尊經閣後舊號舍地共租銀一十七兩一錢又舖十六間在文昌祠後號舍牆外共租銀四兩八錢 一在地五十二畝五分七釐在附廓都之東山洋共租銀六兩二錢八分由大湖村輪納每歲充餉銀五錢二分五釐七毫實存錢五兩七錢五分四釐三毫 一上中田一十七畝五分四釐八毫在貴山都大阮鄉租四十二石酌定四石五斗折銀一兩該銀九兩三錢三分三釐一毫每年除完糧鞭銀八錢五分六毫八絲實存銀八兩四錢八分 一上中下田四十四畝七分在洋烏都分大布司馬浦下底等處共租四十八石一斗照上折價該銀十兩六錢八分八釐八毫八絲每年除完糧鞭銀九錢八分五釐餘存實銀九兩七錢三釐八毫八絲 乾隆六十年邑紳蕭重光等公置直浦都上田九畝租穀一十八石二斗分牛路溝尾等處召佃陳照天耕輪其糧米就料試十名前生員完納又將後溪土名舟仔坵外及大坪路外河坪各十畝召佃黃我德等墾耕各納租銀四兩付住持僧收爲該祠香燈

文昌廟一在紫雲巖

案唐志云嘉慶十七年紳士林喬鄭璧彩陳慶先等公置竹山都外董鄉中田約二畝五分租官棧拾石竹林鄉中田三畝七分租官棧一十五石又住持僧募置中則糧田六分租一石二斗五分共付僧人收爲香燈之資糧米載縣一一甲

關帝廟在北門外

即北城書院舊址

明隆慶元年知縣陳王道建歲春秋二仲祭崇禎八年知縣漆嘉祉重修

潮陽縣志

卷七 壇廟

一一

國朝道光二十一年知縣吳均修之咸豐四年遊擊圖克唐阿重修

祝文 乾隆九年部頒

惟 神浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值嘉辰遵行祀典筵陳籩豆几奠牲醪尙饗

後殿祝文

惟 公世澤貽庥靈源積慶德能昌後篤生神武之英善則歸親宜享尊崇之報列上公之封爵錫命優隆稽三代以肇禋典章明備恭逢 諏吉祇事薦馨尙饗

關帝廟一在海門城內一在達濠城外

真武廟在北門外明嘉靖間知縣劉景韶建厥後知縣郭夢得陳王道相繼修之歲春秋二仲致祭真武廟一在東山韓祠之右明宏治間創始後燬於寇隆慶五年邑人林繼習建旣而復燬國朝康熙二年知縣王濩謝象申都司石國柱重建

天后廟在邑北後溪之港口

創始無攷

道光九年知縣王鼎輔協同搢紳鄭世蘭等重修光緒九年紳商改建知縣周

恆重署遊擊方恭各捐貲倡之每歲春秋仲月上癸日致祭

相傳舟行海上猝遇巨風震蕩十百之命懸於一絲昏濛間忽有神火光燭帆檣或靈鳥翔集若示人以方向者舟人因得以免或曰天

妃南海神也故其靈爽著見如此 舊封天妃

祝文 通志

維 后配天立極護國徵祥河清海晏物阜民康保安斯土福庇無疆千秋鞏固萬載靈長神恩思報聖澤難忘虔修祀事恭薦馨香土民一德俎豆同堂仰惟昭格鑒此烝嘗尙饗

天后廟一在邑南龍津之赤產

元延祐間建

一在邑西南之桂橋一在海門之蓮花峯右在一達濠許副將生祠前之

左一在招都下尾之溪岸

漁船祀之

一在招都河渡

商船祀之

一在達濠埠

埠衆漁船共祀

一在臚岡鄉

歲旱禱雨屢效

龍王廟在邑北門外登龍講院之右創始無攷歲以春秋仲月上辰日致祭

祭文 通志

惟神德洋寰海澤潤蒼生允襄水土之平經流順軌廣濟泉源之用膏雨及時績奏安瀾占大川之利涉功資
育物欣庶類之蕃昌仰藉神庥宜隆報享謹遵祀典式協良辰敬布几筵肅陳牲幣尚饗
火神廟在邑南關外創始無攷歲以春秋仲月上丙日致祭
東嶽廟在東山靈威廟後唐咸亨二年龍虎山道士陳假庵創建明崇禎十四年知縣李桐重建
國朝康熙二十二年合邑士民捐修
城隍廟在邑東門內通衢與雙忠行祠相接明洪武二年知縣姚復初建厥後知縣徐憲黃一寵章邦翰楊灼李
桐疊次重修

國朝順治十七年同知章欽文知縣謝象申修之康熙十九年廟災知縣徐而泰修道光間改建廟門舊與雙忠行祠平列時讓入數尺頗失古制同治二年合邑紳士請修仍初制焉武舉鄭翔鳳例職鄭秉和等董其事每歲以春秋二仲祀於南壇祀儀詳上若縣官新任則迎社稷山川及境內應祀神祇於廟以羊一豕一合祀誓戒

附封號攷 明初封監察司民城隍顯佑伯後稱某縣城隍之神

城隍廟一在海門所城內一在達濠城內

謹案會典 文昌廟 關帝廟今升中祀真武廟 天后廟 龍王廟

火神廟 東嶽廟 城隍廟為羣祀

靈威廟在東山之麓舊東嶽廟左自宋熙甯間特祀唐張二公之神張公名巡故河南節度副使右金吾衛將軍檢校主客郎中兼御史中丞贈揚州大都督許公名遠故睢陽太守兼御史中丞贈荊州大都督初邑人鍾英自睢陽得夢後奉神祝航海一夕而至門關聞鄉人飯牛聲異之今門關山麓有雙忠舊廟俄抵東嶽廟

潮陽縣志

卷七 壇廟

三

英遂立化已而旌雙出旁寺驚怪因塑像立廟祀焉士民有應輒應事聞賜今額册封二公王爵張公封忠靖福濟昭聖靈祐王許公

封善利威濟衛聖孚應王英追封為嘉祐侯後廟燬於寇元至大元年縣尹袁天漢與邑人趙嗣助鼎建詳邑人劉應雄碑記明景泰四年縣丞湯垣

增塑雷南二將像於殿東西隅以時配食邑人李天順中二公嘗顯靈卻夏嶺巨寇魏崇輝等副使陳濂知府陳瑄重新寢殿以答神祝及嘉靖間又燬推官鄭良璧署縣事重建之邑人林大春為之記天啓元年知縣朱本吳修

國朝康熙十年知縣張宏美邑人李應甲等以鍾英趙嗣助從祀且重修之額曰儼雅堂二十六年知縣臧憲祖

修道光十九年知縣吳均偕紳士捐修封職鄭廷治武進士蕭煥新等董其役歲以春秋二仲致祭

雙忠行祠在東門街古源泉社學地祀

許張二公明嘉靖間倭寇亂奉東山遺像祠於此名曰雙忠行祠及寇平神像仍歸東山祠廢崇禎末羣盜竄起復

迎入城保障知縣孟應春議就舊址建廟未果

國朝順治二年邑紳姚孫炳等成之五年知縣陳之昂迎神像祀焉廟額仍舊名康熙三年諸生姚盛揆增塑南

雷姚三將於左右有司祭期與靈威廟同咸豐四年以邊寇功奉

旨加封張公為効靈助順王許公為揚仁振武王

謹案 二公在潮屢著靈蹟自入我朝以來順治丙戌巨寇黃亮采四面之圍戊子扞陳拔伍四十日之困癸巳郝尙久叛遣其將楊廣王三余仁等攻壞城北驚見紅光中旗幟林立遂宵遁賊志固詳言之矣咸豐甲寅土匪潛入西門兵弁泣禱於廟賊因不敢戰而逃及至北壇紅橋之捷元旌應現賊益大創則其英靈呵護以致褒盛典於 熙朝也不亦宜乎

雙忠祠一在塔堂後明崇禎八年建原祀知縣漆嘉祉後改祀 二公迺移漆公於其右一在平和坊嶺東古廟

有石扁曰忠靈駐節相傳宋熙甯間已有之見邑人吳紹宗所輯完節會編一在南桂坊趙家祠銅輓藏於祠內輓空其腹中有兩小錢搖之能作錚錚聲其形具八棱鑄福唐魏景捨熙甯十年五月二十八日記勸首社

舉胡廣李德字樣餘見藝文志徐瀛銅輓歌小序一在門關山麓額曰二聖廟一在和平中社順治十一年諸生馬汝奇建一在達濠小校場

一在赤港龍田鄉一在貴嶼寨內塲堂一在貴嶼寨西門外其創始年代不可攷

韓祠在靈威廟西

即今東山書院

祀唐刺史昌黎

韓公明隆慶六年知縣黃一龍就東嶽舊址改建天啓三年巡道周

維京知縣朱本吳修之

國朝知縣臧憲祖吳廷元疊次修建同治十二年總兵方耀知縣樊希元捐修每歲春秋二仲致祭

案林志云昌黎兩至潮陽有遺邑置校之功祈靈禱雨之應顧祠止在郡城而縣獨缺焉成化間知縣吳毅僅塑公像於靈山之留衣亭中後竟蕪廢隆慶六年知縣黃一龍調雙忠廟顧僚佐歎曰二公之來以韓公所在也今二忠有廟公可獨無且像公者故在沙門然廢久矣縱今有存曷足以示崇重間公嘗至東山其以東嶽故地祀公於是僚佐及境內士大夫皆贊之遂塑像建祠

五夫子祠在韓祠後樓祀宋周程張朱五夫子歲以春秋二仲上戊日致祭

五夫子祠一在北門外龍王廟後座

大忠祠在靈威廟之左祀宋丞相信國文公創始於明宏治間邑人蕭龍謂公當顛沛流離之際駐師潮陽留題雙忠廟其孤忠大節與張許無異因白於分巡僉事王相縣令姜森建之嘉靖末廟燬隆慶元年知縣陳王道重建崇禎二年知縣楊灼偕邑人林萃芳等捐修

置有租二十七石年給住持僧一十五石餘變價貯庫備支修補堂舊有扁曰日星河嶽聯云揮虞日以何年曲水灘頭空馬跡望崖舟而不見蓮花石上舊忠魂明相國張瑞圖題並書

謹案中座增祀左丞相陸公樞密使越國張公前志俱未詳然廟前華表額曰宋室三仁則其由來也舊矣厥後又祀知縣陳昶於左其右有潮州府知府吳均惠州副將廣保鮑浦司巡檢章坤則同治間始祀之附吳公祠租餘石田分後溪達濠兩處歸新進諸生照序輪收為歲祭之費

大忠祠一在北關內康熙十五年建中塑三公神像旁祀監簿兼督府機宜劉子俊濠州團練使尹玉司農卿督府參謀杜滄兵部侍郎鄒淵架閣監軍蕭明哲從義幕僚陳子全宣教郎林琦丞相書史蕭資前通判贛州熊桂督府參謀張唐督府忠義吳希夷少卿陳龍復丞相書史徐榛督府參議趙時賞共十四人歲以春秋二仲上戊日舉祭

故明殉節知縣孟應春義士黃安附祀於此忠賢祠即今蓮峯書院在海門所城南明遊擊將軍江鎮海里人吳從周倡建中祀宋丞相文公左祀元處士張奐後

潮陽縣志

卷七 壇廟

四

以鎮海從周祀其右

國朝嘉慶八年海門參將陳名魁守備李象斌擊賊戰歿復從祀焉

真君廟在興讓坊曲巷祀晉吳真君之神舊在大街西創自元大德五年修於明洪武之末嘉靖二十五年始

遷今所額曰靈濟宮萬歷丙申知縣吳萬全捐貲倡建廟成有神像三十餘自海外飄來其靈異如此詳邑人周歲祀以春秋二仲光緒碑記

國朝光緒四年重修

上海汕頭諸潮商捐助最多案林志云吾潮自祠公以來有疾病請禱者輒見神關其室投針立效或扶鸞探藥雖窮僻之鄉亦至至指取地中所有發視之果得奇劑今姑無論神仙之說據祭法有功於民則祀之雖著在令典而食百世可也

真君廟一在仙陂鄉額曰慈濟堂創於宋熙寧十年視他所尤古

或云公自晉時已神遊於邑之西鄉往往託醫藥救人所全活甚衆或投餽水中飲之疾愈鄉人因號其地曰仙陂又公

咸豐四年俱嘗顯靈邊寇他如貴山赤寮峽山和平所在皆有之鄉人祈禱歲時不絕

惠福廟在附廓都湖邊鄉祀大湖之神創始無攷唐刺史韓愈嘗禱雨於此宋宣和間賜號泗王明隆慶之世知縣黃一龍以祈雨屢應為之重建廟焉每歲春秋二仲日舉祭

以上諸神即通禮所謂禦灾捍患於民有功德者守土官俱屆期致祭

倉聖廟在東山紫雲巖

為里人鄭翔鵬倡建酒樓光緒十年始改祀

土地祠在縣署

旗纛廟在海門所

黃石公廟在貴嶼山東北麓祀秦赤松子之神

創始無攷

宋公祠築石室為之在北關道左明正德間為知縣宋元翰建

中有石像

詳本傳及編修王思碑記

國朝同治十三年重修 諸生鄭耀奎蕭有暉陳鍾麒
鄭安瀾陳潤岡等董其役

章公祠在北關外明萬歷初為知縣章邦翰建明末寇毀
王公祠在北關道左明萬歷中為知縣王訓建 初有祠租贍
士詳文昌閣明末寇亂遂廢

沈公祠在東山郵亭西明萬歷中為知縣沈淙建置有祠租贍士後祠廢徙像於韓祠內東偏

附載祠租

上田七十八畝中田一百零五畝在峽山洋鳥兩
部分深溪利陂等鄉租二百二十六石二斗六升

朱公祠在北關內道左明天啓五年為知縣朱本吳建 有石坊曰
父母孔邇置有祠租贍士明季寇亂祠燬惟坊尚存 嗣為尼
庵所佔

今暫設石主於
宋公祠祀之

附載祠租

上田五十一畝一分中田九十一畝一分一釐九毫九絲六忽下田九畝九分八厘一毫一絲六忽夏稅五分在洋鳥
減水兩部分後田隴頭林內深溪利陂波浪溪葫蘆溪北山宮埕等鄉租穀一百九十石三斗九升又租銀一兩五錢

漆公祠在塔堂後明崇禎八年為知縣漆嘉祉建後改祀雙忠移其位於右扁曰崇德報功初有祠租贍士

附載祠租

上田一十三畝三分中田八十五畝六分七厘下田一十八畝二分二厘二毫在峽山舉練洋鳥三
部分港樓白石利陂等鄉租二百二十四石三斗八升又地租銀一兩又舖七間租錢六兩三錢

黃迪功祠在韓祠內右傍明萬歷中為縣丞黃時春建 詳本
傳

黃石齋祠在縣署內為明邑幕義士黃安建 教諭黃釗讓聯云變起甲申排雲正歎
天無曰忌殊子卯赴義翻成井有仁

臧公祠在縣署西街為

國朝知縣臧憲祖建 置有
祠租

張公祠在白牛巖側為

潮陽縣志

卷七 壇廟

五

國朝知縣張深建 內有聯云識起梅花此日偏遭名士刦情
耽菊酒他生莫作宰官身邑人陳作舟讚

鍾公祠在靈威廟內東偏祀邑人宋嘉祐侯鍾英

趙公祠在靈威廟內西偏祀邑人宋通判惠州軍州事趙嗣助

義勇祠在靈威廟內西偏祀明莊淑禮胡世和 舊祀際留倉
左後移於此

補編

王黃二公祠在直浦都興隆市為明知縣王鑾黃一龍建 歲貢黃夢
華有記

案二公倡築隄防功在直浦久矣至 國朝
咸豐五年鄉人始議建祠祀之報有功也

嘉惠祠在東山書院東偏為國朝大學士兩廣總督瑞麟等建

案同治間文莊公 奏辦惠潮積案以鎮軍普甯方公
任之事定邑之書院始得增膏火置書籍因祀於此

慰忠祠在遊擊署之西光緒間遊擊劉國輝等詳請祀陣亡官兵十年創建

